

菩薩處胎經

才五

百九十一
難五

44676



元祿九年丙子二月日重脩

皇圖聖圖 帝潛銀呂

佛日增輝 懺輪常轉

山城州天安寺法金剛院置

菩薩處胎經卷第五

姚秦三藏竺佛念譯

五樂品第二十九

尔時世尊觀察衆生心識所念欲知如來所
經歷處曾生金翅鳥中受龍子教戒所度無
量不可稱計齊是更有餘願聞其意佛知衆

坐心中所念將欲示現本所造行身口意法

諸族姓子族姓女聽我所說昔有天帝釋去

世已來經無數劫天福自然於三千大千諸

釋之中最尊第一羅睺羅阿修羅王生女端

正具足女法六十四能行步進止不失儀則

面如桃華色口出言氣如優鉢蓮華香身作

難

牛頭栴檀香不長不短不白不黑不肥不瘦
具足女法時釋提桓因內自思惟我今此宮
天女衆多顏貌端正諸天中勝然不如彼阿
須倫女今我寧可集諸兵衆與彼共鬪可得
彼女給我使令作是念已即召諸天論說鬪
事諸天白帝釋諸天鬪戰必不如彼權可遣
執樂神等手執瑠璃九十九弦琴及一弦琴
歌歎我天受福快樂無量功德諸天稱善此
語可從即勅執樂天子般遮翼等嚴辦樂具
即於天上忽然不見如有力士屈申辭頌已
至阿須倫王婆呵前立彈琴出聲作如是頌
我是天帝釋 絕妙彈琴師 歌曲音相和

清淨聲極妙

如我彼天樂

無有憂畏想

念則衣食至

七寶甘露珍

金銀床玉机

轉閑身迴旋

視樂無馱足

天中尊第一

今遣我等來

欲說無諍行

并獻甘露食

求欲作婚姻

我主彼宮殿

琦珍不可量

天女為眷屬

非千萬億數

知婆呵有女等

應與我給使

若不見與者

正尔兵眾攻

頃倫聞此語

瞋恚極熾盛

小物興大意

乃欲有所為

我雖無甘露

豫以自充飽

亦有大兵眾

足得相距逆

尔時般遮翼等聞此語已即還以此語具向

天帝釋說時婆呵阿頃倫王即勅左右促集

兵衆吾有所伐正爾令辦各勿有疑即以此
偈向所勅說

豪貴天帝釋 遣使般遮翼 歌頌出五音

求我為婚姻 及彼未集兵 我宜先集衆

仰功不用力 萬得不一失

時彼阿須倫臣佐聞此教已即集四兵往詣

須彌山腹壞曲脚天宮次壞風天宮次壞馬

天宮次壞症嚴天宮時有天子名曰大力詣

釋提桓因所天王當知阿須倫婆呵集諸兵

衆已壞四門天子天王今欲如何時天帝釋

憶本所誦口說頌曰

諸佛威神等 救護我今厄 忍慧破恚怒

解脫安隱處

昔我無睡眠

昨日忽眠寐

此瑞非吉祥

須倫侵我境

尔時天帝釋憶佛功德須倫兵衆漸漸却退
從四門後圍入池水中藕莖絲孔中藏時釋
提桓因即勅大臣汝速集兵衆吾欲逐阿須
倫兵衆尔時帝釋諸臣受天王教即集天衆
從四門求覓但見刀鎧弓箭在地不見須倫
衆轉轉前進直入阿須倫宮殿見婆呵阿須
倫女數千萬衆不見阿須倫身將諸女衆歸
詣切利天宮時諸阿須倫等求哀歸命向釋
提桓因我等愚惑不知佛弟子神力巍巍如是
我等先祖信奉如來聞佛有戒不取他物今

天王釋將我眷屬盡填天宮非佛弟子所行
法則帝釋聞之悵然不樂須倫先語證我犯
不與取戒我寧當奉禁不犯偷盜即還諸女
尔時阿須倫王即以最所敬女與天帝釋帝
釋即以美好甘露與須倫倫與天和合共
修行善不殺不盜不婬不欺不飲酒不香華
脂粉非時不食奉持如來三歸依法吾昔所
行無數生中作轉輪聖王無數生中作天帝
釋無數生中作梵天王奉持賢聖八關齋法
度難救厄設四天下滿中火炎譬如劫燒一
心歸命稱如來名持八關齋法投身入火火不
能燒若滿中水水不能溺八關齋者諸佛父母

菩薩處胎經緊陀羅品第三十

尔時座中有菩薩名曰信解脫過去無鞅數
阿僧祇劫為緊陀羅王須彌山北過瑠璃山
瑠璃山北過小鐵圍山鐵圍山北有大黑山
緊陀羅王緊陀羅王在中治化過去無數恒
沙諸佛亦不覩見亦不聞法亦無有聖衆教
化無日月星辰光明所照由昔積福一施之
報居在七寶宮殿壽命極長何以故本在人
間值遇良田有大長者造佛塔廟此緊陀羅
王施一刹柱成辦廟寺復以淨食施彼工匠
壽終命盡作芻臆神王在兩山中間自然七
寶宮殿屋舍昔在人間居財無量有一沙門

中時持鉢乞食婦見沙門在門乞食即擎飯
施與長者見婦與沙門食即便瞋恚此何乞
人瞻視我婦當令此人手脚段段壞壽終之
後受此醜形八十四劫恒無手足在人間時
學仙人法在深山中誦習呪術能移動日月
以夜為晝以晝為夜呼吸之頃能吐出金銀
七寶能使枯樹悉生枝葉華菓能使海水消
竭在火不燒身能飛行眼能徹視自識宿命
知他人心耳遠聞聲眷屬弟子五百人間佛
出世佛名清淨光如來應供正遍知明行足
善逝世間解無上士調御丈夫天人師佛世
尊說微妙法初中竟善大慈平等功勳難量

我將諸弟子從深山出飛行徑過王宮後園
浴池見諸采女在他洗浴我及弟子下見婦
女生染愛心皆失神足即墮園中時我瞋恚
故來求佛失我神足時采女衆見五百丈夫
盡在園中尋入白王王勅左右將彼人來我
欲問之尋將詣王王問言卿等何人荅曰我
等在山學仙道人山中誦習呪術能移動日
月以夜爲晝以晝爲夜乃至耳遠聞聲眷屬
弟子五百人聞佛出世佛名清淨光我將諸
弟子從深山出飛行經過王宮後園浴池見
諸采女在他洗浴我及弟子下見婦女生染
愛心皆失神足即墮園中時王告之曰汝等

在深山學仙道來爲久近耶荅曰二十二小劫王復問曰積劫學道心如死灰不動不搖云何欲心而失神足荅曰本謂真道神靈第一踊沒自在所念皆成不啻今日忽然失道慙愧聖王隨王刑罰王告之曰汝本學道二十二小劫形枯心疲所習不真如愚惑人空中求實於真際法不獲實相汝所求師如來等正覺者近在岳峙山中我當將汝等往至佛所若佛有所說當奉行之尔時大王即嚴駕羽寶之車具五威儀將諸眷屬及五百仙學人等往詣岳峙山王即下車解劍去蓋却五威儀步至佛所頭面禮足在一面坐尔時

國王須臾退坐前白佛言此五百人在山學
仙二十二小劫聞佛出世欲來見佛飛過後
宮貪著欲愛即失神足唯願世尊與說微妙
之法當令還復五神通道佛告大王此五百
人所行善根成便壞敗終不究竟本為長者
比丘乞食瞋恚言使汝無手足無數劫中作
胷臆神王在大鐵圍黑山中間雖復受報日
月所不照先在人間以刹柱施人以一施之
惠與辟支佛後得人身於山中學仙欲心熾
盛還失神足此緣久有非適今也此五百人
於今世命終皆當生無怒佛所彼佛與說生
老病死十二因緣苦無苦本集滅道果亦復

如是佛說是時王意開解亦樂欲生無怒佛
所介時國王及五百仙人即從座起禮佛而去
菩薩處胎經香音神品第三十一

介時世尊知諸會者心中所念便入定意無
形三昧隨衆生意而濟度之昔我人間為香
音神王一閻浮提二閻浮提乃至無數恒沙
閻浮提男女眷屬以香為食衣被服饌皆悉
香勳或生北方鬱單曰土拘耶尼弗于逮在
在所生為香音王或壽一劫二劫三劫乃至
無數阿僧祇劫知有佛有法有比丘僧心常
遠離而不親近何以故貪著五樂以善香為
樂於善香中不聞餘音但聞五欲歌笑戲樂

終日竟夜不知厭足有善知識昔修善根從
地踊出半身人現而告我言此處樂耶何爲
貪著此非真實清淨之行除去香勲可得安
隱處此香爲灾爲幻爲化今佛在世可往受
教得清淨香遍滿諸方香音神王聞之極大
歡喜善哉善哉善知識欲導引我示清淨時
神即以偈告香音神曰

今正是時佛爲所在共往禮拜今時踊出如
如來無所著今在南方界在胎清淨觀

眷屬無央數燒諸衆妙香懸繒華盖幡

供養如恒沙戒德甚深香遍滿十方世

其有聞香者盡得無三道汝可將眷屬

往到閻浮提

一心歸依尊

當自面見佛

佛德無邊涯

各隨本所行

一聞三句義

成道不移座

三空慧定力

十八不共法

大人相好具

汝後必獲之

紫磨金色體

軟細不受塵

法身智慧足

汝當悉具德

到彼勿懷懼

正心莫生疑

勇猛不怯弱

便逮師子步

分別身心觀

悉解空自然

眼識無色本

除對不造垢

當行三法門

現後及中間

獲淨三通慧

摠持無礙法

無常無樂想

劫數造不善

慧火彈拍燒

金銀寶瑠璃

須彌四寶成

劫燒火所焚

行報不可滅

如來在世化

愍彼不為已

處處在在生

盡緣縛著人

如人射虛空

箭窮還到地

供養諸福田

不選必遇聖

亦如服毒藥

處處求解具

毒氣轉隆盛

命終亦不久

宿有善知識

授以解藥具

次第不選擇

會值解藥法

行施作福業

不選擇高下

此福聖所譽

最尊為第一

時香音神王聞踊出地神語心開意解五體
投地汝為我師化我童蒙我今愚惑不別真
偽受我悔過如癡如愚爾時地神即從地踊
出現佛色身三十二相放大光明以神足力
接香音神至於胎觀彼諸會眾無覺知者佛
告諸來會者吾從無數阿僧祇劫能大能小

入細無礙或在天上劫數教化或在人中代
彼受苦或在畜生餓鬼地獄分身教化無所
不入時香音神王及七十二億眷屬尋發無
上住不退轉

菩薩處胎經地神品第三十二

尔時座中有菩薩名曰善業即從座起偏露
右臂右膝著地叉手合掌前白佛言欲問所
疑聽者敢說佛告善業恣汝所問吾常為汝
一一分別善業白佛言云何世尊六大衆神
何者為妙地水火風空識耶尔時世尊即以
神足令彼地神從地踊出在地界立水神從
水踊出水中立火神從火踊出火中立風神

從風踊出風中立空神從空踊出空中立識
神從識踊出識中立佛告善業此六識神汝自
問之善業菩薩即問地神於六大中汝為妙
不地神報言於六神中我為最勝所以者何
所生萬物山河石壁樹木華菓皆依我住一
切衆生有形之類依而得存以是義故我為
最妙尔時善業菩薩問水神曰汝於六神為
最妙不水神報言於六神中我為最勝所以
者何若無水者地為枯乾無有滋潤草木華
菓皆為枯燥衆生之類有形之屬皆當渴死
以是義故我為最勝尔時善業菩薩次問火
神六神之中汝為最勝不火神報言於六神

中我爲最勝所以者何若無火者萬物滋長
云何成熟若遇霜雹冰寒雷電一切衆生有
形之類皆當凍死以是義故我爲最勝尔時
善業菩薩次問風神六神之中汝爲妙不風
神答曰於六神中我爲最妙所以者何若無
風者樹木華菓根牙莖節不得成就一切衆
生有形之類進止動搖皆是我風以是義故
我爲最妙尔時善業菩薩次問空神於六神
中汝爲妙不空神報言於六神中我爲最妙
所以者何山河石壁樹木華菓一切萬物有
形之類行來進止我能含容使得調暢通達
往來以是義故我爲最妙尔時善業菩薩次

問識神於六神中汝爲妙不識神荅曰於六神中我爲最妙所以者何此五大神是我僕從我是其王行來進止若好若醜可避知避可就知就彼皆盲冥我爲眼目以是義故我爲最妙尔時地神白善業菩薩言此事不然何以故恒爲識神之所誑惑不示徑路我欲得堅鞅反與柔輭時復須鞅反與我鞅我欲詣南反將至北賊中之賊不過識神自稱爲王此事不然尔時水神白善業菩薩言識神所說是事不然何以故水能潤漬成長萬物我性須冷反與我熱燒炙濕盡永無冷性爲識所誑以是義故識言非也尔時火神白善

業善言識言非也何以故火能熟物亦爲
光明樹木華菓隨時成長若無火者識何所
依以是義故識言非也亦時風神白善業善
薩言識言非也何以故萬物成長行來進止
動搖識制止於我不令動轉以是義故識言
非也亦時空神白善業善言識言非也何
以故我空法無物不含量容萬品進止行來
通達無礙皆是我空若非空者識何所依以
是義故識言非也亦時世尊問善業善薩此
六大所論有句義耶無句義耶有味義耶無
味義耶有字義耶無字義耶善業善薩白佛
言世尊如五大性各各均等何以故地界多

者水界少者則不成就水界多者火界少者則不成就火界多者風界少者則不成就風界多者空界少者則不成就空界多者識界少者則不成就五界等者識不分別則不成就

就介時善業菩薩即說頌曰
識神無形法 五大以為家 分別善惡行

去就別真偽 識示善道處 永到安隱道

識為第六王 餘大最不如

佛告善業汝所問者皆是如來威神力故介時座上百七十億衆生解識深法悉發無上
正真道意

菩薩處胎經人品第三十三

尔時座中有菩薩名曰法印聞如來說六大
衆生受五陰形分別内外解了空無内心生
疑識爲亂想非真實法何者是人云何是人
人從何生佛告法印菩薩善哉善哉汝所問
者皆是諸佛威神所接所以者何過去無數
阿僧祇恒河沙諸佛及當來無數阿僧祇恒
河沙諸佛分別人本假号名字不可思議非
彼二乘羅漢辟支所能籌量汝今諦聽諦聽
善思念之吾當與汝具分別說猶如此閻浮
提沙呵世界出衆生種此事不然何以故非
真實性故非人種東弗于逮亦非人種北鬱
單曰亦非人種西拘耶尼亦非人種除無量

壽佛及阿閼佛國除莊嚴刹土虛空際佛除
我今日諸坐菩薩餘諸盡非人種何以故從
無本已來乃至成佛於其中間初不爲惡此
是人種猶如有人修身口業於不修者是謂
人種受三依法於不受者是謂人種奉持五
戒於不奉者是謂人種修行十善於不行者
是謂人種向須陀洹於不向者是謂人種得
須陀洹於不得者是謂人種向斯陀含於不
向者是謂人種得斯陀含於不得者是謂人
種向阿那含於不向者是謂人種得阿那含
於不得者是謂人種向阿羅漢於不向者是
謂人種得阿羅漢於不得者是謂人種向辟

支佛於不向者是謂人種得辟支佛於不得
者是謂人種向佛道者於不向者是謂人種
得佛道者於不得者是謂人種故号人尊如
來應供正遍知明行足善逝世間解無上士
調御丈夫天人師佛世尊是謂人種佛告法
印菩薩汝今善聽過去諸佛於現在未來是
謂人種現在於未來是謂人種未來於過去
現在是謂人種於三世法現在於過去未來
最爲第一何以故如來於現在中能行過去
未來法何以故勝過去已滅未來未至法性
自然非過去能滅現在未來非未來能滅過
去現在今時世尊即說頌曰

過去等正覺

遺教度衆生

分別人根本

上中下微妙

現在最勝佛

明過知未來

除滅前後結

獨照如日明

苦行衆生等

兩足及四足

為說甘露法

充滿除衆想

諸天十善行

從一三十二

上天下非天

功德之差降

如來衆相具

行善無瑕穢

積德如安明

清淨行無垢

若人生誹謗

言佛非真道

死入阿鼻獄

諸佛不能救

口氣腥臊臭

支節煩惱熱

惡念遂熾盛

斯由誹謗罪

行善修功德

識神向善處

如人入池洗

清淨無塵垢

羅漢辟支佛

斷滅求不生

不念吾我身

去離五道苦

佛本所生法 得諸佛印可 今得爲人尊
故号天中天

世尊說此頌已語法印菩薩是謂人種尔時
法印菩薩即從座起偏露右臂右膝著地叉
手合掌前白佛言善哉世尊快說斯義我等
衆會於如來所則非人種云何示現得爲人
種佛告法印菩薩解知諸法空無所有無彼
無此不見彼此者是謂人種觀察法性無去
來今解知法性空寂無二是謂人種於四道
果有成就者無成就者不見有一亦不見二
是謂人種於衆相法不見在嚴亦不見不在
嚴解了空寂非一非二是謂人種佛國清淨

除欲怒癡亦不見淨亦不見不淨二事虛寂
是謂人種分別道性三十七品有成有敗不
見俗累有入無入是謂人種發意弘誓不自爲
己安處衆生住在無畏不見有住不見無住
二事平等是謂人種分別禪定心無染著執
意如空無能移動亦不見定亦不見不定是
謂人種衆生邪見導示善處以八正法洗除
心垢亦不見正亦不見不正是謂人種於四
部衆比丘比丘尼優婆塞優婆夷道心堅固
無所戀著不見戒行有犯不犯是謂人種如是
法印於如來法則爲饒益利益衆生於佛有反
復修諸功德不唐捐棄今時座上百七十億衆

生皆發無上正真道意修於人種不退轉行
菩薩處胎經行品第三十四

爾時座中有菩薩名曰造行即從座起偏露
右臂右膝著地叉手合掌前白佛言善哉世
尊快說人種非前非後非兩中間行業果報
以何得知或過去身非今現在或未來身非
過去或現在身非過去未來或內作行受外
報或外作行受內報或凡夫身作行須陀洹
身受報或須陀洹身作行斯陀含身受報或
斯陀含身作行阿那含身受報或阿那含身
作行阿羅漢身受報或有衆生得慈三昧無
悲喜捨或有衆生得悲無慈喜捨或有衆生

得喜無慈悲捨或有衆生得捨無慈悲喜或
有衆生從凡夫地不向信地法地取須陀洹
或有衆生不向信地法地須陀洹取斯陀含或
有衆生不向信地法地須陀洹斯陀含取阿
那含或有衆生不向信地法地須陀洹斯陀
含阿那含取阿羅漢或有衆生不向信地法
地須陀洹斯陀含阿那含阿羅漢取彼此阿
羅漢或有衆生向辟支佛還自墜落墮凡夫
地或有衆生向阿羅漢還自墜落墮凡夫地
或有衆生向阿那含還自墜落墮凡夫地或
有衆生向斯陀含還自墜落墮凡夫地或有
衆生向須陀洹還自墜落墮凡夫地或有衆

生於法地退墮凡夫地或有衆生於信地退墮凡夫地此諸衆生於如來所皆有狐疑唯願世尊一一分別令諸會者燿然開悟尔時世尊告造行菩薩曰善哉善哉汝所問義皆爲當來過去現在亦是諸佛行業果報吾今一一分別諦聽諦聽善思念之云何造行菩薩欲使如來說過去無量阿僧祇劫行業果報耶欲使如來說未來無量阿僧祇劫行業果報耶欲使如來說現在無量阿僧祇劫行業果報耶爾時造行菩薩白佛言世尊且置過去未來行業果報欲聞如來現身行業果報佛告造行菩薩過去無數阿僧祇劫行業

果報亦是現在作未來無數阿僧祇劫行業
果報亦是現在作現在所作行業果報亦是
過去未來受對因緣今當與汝說之昔我所
更苦行無數或修淨行或修不淨行或修天
行或修人行初求佛道諸漏已盡神通變化
燿然大悟三界都苦唯我為樂於及連水邊
六年苦行日食一麻一米斯由曩昔向一緣
覺犯口四過斷絕一施今受輕報我既成佛
為五百摩納子惡聲誹謗罵詈在諸街巷稱
言佛道非真時國人民有信不信信者信地
法地不信者外凡夫如此人等根力成就不
可沮壞佛出於世光明普照地獄休息餓鬼

飽滿在畜生者不復荷負重擔如我弟提婆
達堯以石打佛脚指出血吾時避走東至弗
于逮北至鬱單曰西至拘耶及吾復避之從
忉利天上至三十二天此石故隨逐吾吾復避
之還至故處為石所傷吾在摩竭國界晝闇
園中閑居經行時有長者名尸利掘請我供
養我即受請將阿難一人尋從我行彼長者
舍有七重門門各有守者過去未來現在諸
佛常法默然受請不受餘請凡我弟子出家
為道行亦應尔我至彼門口利掘長者於內
作倡妓樂自恣忘我在外已經日夜佛語阿
難汝行乞食我住此處時彼馬將從佛邊過

佛從乞食馬將言我無食唯有熟麥當持相
與即持熟麥施與佛佛即受食之時彼馬將
謂為佛食尔時有天子名曰練精即接食去
諸人見者謂為佛食然佛不食為度彼故故
現受食如是九十日在門裏住阿難亦九十
日乞食如來威神不令國王及群臣長者知
佛住此何以故恐彼生慢興誹謗心佛無威
神餘人何望尔時尸利掘長者有小因緣出
外遊戲見佛在門方問佛言何時至此佛告
長者卿前請我我即來此汝在於內使自娛
樂今以經九十日欲還晝闇園中得君供養
食馬熟麥時尸利掘長者極懷慙愧五體投

地唯願世尊垂恕不及聽我悔過佛告長者
此緣久有非適今也尔時長者請佛入宮舍
四事供養佛爲說法諸塵垢盡得法眼淨吾
昔一時在毗舍離城初成佛道未久六師興
盛吾有弟子千二百五十人一千一人皆得羅
漢六通清徹時有稱遮摩那耆女是阿闍羅
翅舍欽婆羅弟子受師明教日來佛所外現
清信女法內心受邪師教來往周旋欲令人
見以草作腹日漸令大後以木杆繫腹狀如
臨產婦女時邪師問言汝那得此身報言我
日往瞿曇沙門所故有此身師便瞋言誑我
弟子垂當生梵天毀辱我弟子乃至於此時

邪師將諸弟子并此女人往至佛所當於尔
時如來與無央數衆而爲說法梵志至佛所
高聲唱言此沙門瞿曇犯於姪欲實不得道
自稱言得道所作變化皆是幻術非真實道
指此女人言衆人皆見不也愛我此女使令
有身發此語已時天帝釋化作一黃鼯在女
裙裏啣杆繩索令杆墮地衆人皆見呵責罵
言汝等師徒謗毀聖人促出國去吾昔一時
在錦毗梨國在一樹下禪定行道九十日不
移處所時彼六師名金那金離有女弟子酸
陀羅難提興嫉妬心欲障佛功德自顯師道
女言我能使人不供養佛令師名聲流布于

外時彼女人懷此謀心日往佛所經數日中
殺身埋精舍後園中後來出死屍言佛殺之
謗名流布國人皆知吾昔一時左脇患風使
耆域令治耆域言當須牛乳象溺舍利沙畢
鉢尸利沙胡椒煮以爲湯服之則差吾昔一
時在他村中遊行教化吾爲馬槍刺脚孔上
下徹疼痛無量復使者域治之吾昔一時患
頭痛猶如兩須彌山夾頭疼痛痛不可處今
雖成佛諸漏已盡諸善普集行本不朽從無
數劫修清淨行行業果報難可得離佛身如
是何況阿羅漢辟支佛能免行報耶爾時世
尊與造行菩薩而說頌曰

最勝四神足
須彌如灰塵
我成最正覺
宿行牽連縛
不能避報業
齊是更無分
人多貪五欲
常墮有憂處
設復不現化
賢聖所行路
道從無常觀
成就諸相好

住壽無數劫
行業追逐身
三界無等倫
我有三昧力
捨而不受對
永與生死別
不謹慎放逸
涅槃無所著
衆生難可度
去離諸縛著
思惟不淨法
羅漢辟支佛

天地悉壞敗
無處可隱藏
故受九報對
金剛不可沮
我今生緣盡
更不造彼行
今世亦後世
示現有爲法
八等無爲道
無有生滅法
一心不移動
償對復甚我

行業所追逐

何處可得免

智慧舍利弗

常行佛功德

下腸取滅度

此是明白證

神足目捷連

步步登須彌

執杖梵志打

骨碎如芥子

娑竭阿羅漢

降伏難陀龍

臨取滅度時

眼睛墮無數

金華比丘尼

神德難可量

化作轉輪王

統領四天

捨壽入無為

支節刀劍解

辟支名光相

無佛法出世

隨世盡其壽

鑊湯取滅度

我今說現在

此等諸業報

設當說過去

阿僧祇佛行

以劫數至劫

業報不可盡

當來復有佛

令在此座上

亦當說報業

如今無有異

菩薩摩訶薩

精進不懈怠

常急離業報 不與彼共俱

尔時造行菩薩聞此偈已衣毛皆豎不樂生
死周旋五道皆發無上住不退轉地

菩薩處胎經法住品第三十五

爾時世尊見衆會寂然清淨純一無雜出廣
長舌左右舐耳放大光明上至無量阿僧祇
刹土衆生見光欣然踊躍歎未曾有尔時世
尊還攝光明佛告彌勒菩薩摩訶薩吾從無
數阿僧祇劫已來身口意淨無有瑕穢得此
實相光明之報斯由不欺妄故佛復告彌勒
菩薩摩訶薩我今囑累於汝菩薩胎化經典
汝當宣傳廣宣布之若有善男子善女人諷

誦此經香華供養擣香末香繒綵華蓋作倡
伎樂其功德福甚多甚多若有善男子善女
人不能究竟朝暮諷誦彈指之頃心念此經
者其功德福不可稱量何以故此胎經者諸
佛之父母衆經中長過去當來諸現在佛要
在胎經中所化度衆生過於色身百倍千倍
巨億萬倍不可稱量佛復告彌勒菩薩摩訶
薩若有善男子善女人禮事供養此經典者
欲得面見十方諸佛一心歸命無他異想即
時得見十方諸佛若有善男子善女人發大
誓願我今欲使地獄休息餓鬼畜生無煩惱
病一心歸命諷誦此經諸苦惱衆生皆得解

脫佛復告彌勒菩薩摩訶薩我今緣盡無教化處此經留住或千年或至二千年或至三千年今分爲三分一分付與阿難度我遺法弟子一分與難陀優鉢羅龍王餘一分者彌勒與我宣傳使一切衆生普得聞知無得中斷彌勒汝作佛時汝當宣布此經十方天下衆生蠕動喘息蚊行人物之類皆蒙此經悉得解脫彌勒汝般涅槃後此經二十一劫流布在世然後乃斷若有善男子善女人諷誦此經心不錯亂發大弘誓欲令衆生悉同我願同時俱生清淨國土承事禮敬諸佛世尊如願得之而無罣礙佛復告彌勒菩薩摩訶

薩汝當承受我教當念佛恩欲報佛恩者常
當一心奉持供養胎化經典此功德福無能
宣暢何以故此胎化經典諸法寶藏諸佛封
印唯有如來應供正遍知明行足善逝世間
解無上士調御丈夫天人師佛世尊能開發
此印封示現衆生彌勒當知我前後所說三
昧摠持甚深經典汝妄一字一句此過少耳
若於此胎化經典妄失一字一句其過甚多
何以故此諸佛世尊之父母也尔時世尊說
是語時普地六反震動時座菩薩各各自相
謂言釋迦文佛離法性不久必當還現如本
色相時座上有八十四億姪衆生皆發無上

住不退轉時諸菩薩忽然不現各離胎化供
養釋迦文佛金棺舍利

菩薩處胎經復本形品第三十六

爾時世尊還攝威神在金棺裏寂然無聲諸
天燒香散華供養時大迦葉將五百弟子從
摩伽提國來至佛所聞佛今日當取滅度悲
啼號泣不能自勝尔時世尊以天耳聞迦葉
來至即從棺裏雙出兩足迦葉見之手捉摩
捫啼泣不能自勝爾時迦葉並說頌曰

一切行無常

生者必有死

無生亦無死

此滅為最樂

佛所教化人

所度以周遍

我行道迥絕

深恨不見佛

法界悉皆空

色身亦當尔

無有老病死

無為無所生

住壽百恒沙

亦當歸滅度

况我天尊師

處世著穢汙

尔時迦葉及五百弟子皆繞金棺七匝在一
面立尔時阿難捉棺西北角難陀捉東北角
諸天在後侍直北出去雙樹四十九步安錯
金棺隨沙門以牛頭栴檀香積金棺上諸梵
天王釋提桓因將諸天衆在虛空中散華供
養尔時尊者迦葉手執火然栴檀薪而耶維
之八大國王爭分舍利隨力多少各持歸供養
菩薩處胎經起塔品第三十七
爾時八大國王優填王頂生王惡生王阿闍

世王四大兵馬主最豪兵馬主容顏兵馬主
熾盛兵馬主金剛兵馬主此八大王共諍舍
利各領兵衆列住一面八大王各各言佛舍
利我應獨得之有一大臣名優波吉諫言諸
王莫諍佛舍利應當分之普共供養何為興
兵共相征罰尔時釋提桓因即現為人語諸
王言我等諸天亦當有分若共諍力則有勝
負幸可見與勿足為難尔時阿耨達龍王文
隣龍王伊那鉢龍王語八王言我等亦應有
舍利分若不見與力足相伏時優波吉言諸
君且止舍利宜共分之即分為三分一分與
諸天一分與龍王一分與八王金瓮受石餘

此臣密以蜜塗瓮裏以瓮量則分舍利諸天
得舍利還於天上即起七寶塔偷婆龍得舍
利還於龍宮亦起七寶塔偷婆八王得舍利各
還本國亦起七寶偷婆臣優波吉著金瓮舍
利三斗并瓮亦起七寶塔偷婆灰及土四十九
斛起四十九七寶塔偷婆當耶維處亦起七寶
塔偷婆高四十九刃香華供養懸繒幡蓋終日
竟夜音樂聲不斷佛之威神令諸七寶塔各
各有光明或夜放光明與晝無異或晝放光
明與夜無異諸護塔善神各各來營護不令
惡人有觸犯者

菩薩處胎經出經品第三十八

尔時佛取滅度已經七日七夜時大迦葉告
五百阿羅漢打捷稚集衆卿五百人盡詣十
方諸佛世界諸有得阿羅漢六通清徹者盡
集此閻浮提詣雙樹間釋迦文后佛今以捨
壽取般涅槃耶維已訖起七寶塔今集衆欲
得演佛真性法身汝等速集聽採微妙之言
尔時五百阿羅漢受大迦葉教以神足力如
人屈申臂頃即到十方恒沙刹土集諸羅漢
得八億四千衆來集至忍界聽受法言尔時
迦葉見衆已集語優波離卿爲維那唱阿難
下即受教唱下阿難卿是佛侍者今有大過
於我等所卿自知不也阿難白大迦葉言不

審有何大過於聖衆所迦葉告阿難言云何
阿難佛所說經若有得道羅漢六通清徹者
修四神足多修多行能任壽一劫有餘卿何
故默然而不報佛時阿那律將阿難出在外
須臾復喚阿難前還舊事具責阿難尔時阿
難心意荒亂内自念言佛滅度未久耻哉乃
尔即思惟四意止四意斷四神足五根五力
七覺八道分別苦本集滅道果即於衆前成
阿羅漢諸塵垢滅朗然大悟聖衆稱善諸天
歌歎當於尔時地六反震動諸天散華作倡
伎樂色身滅度法身出世利益衆生多所潤
及即使阿難昇七寶高座迦葉告阿難言佛

所說法一言一字汝勿使有缺漏菩薩藏者
集著一處聲聞藏者亦集著一處戒律藏者
亦著一處爾時阿難發聲唱言我聞如是一時及
說佛所居處迦葉及一切聖衆皆墮淚悲泣
不能自勝咄嗟老死如幻如化昨日見佛今
日以稱言為我聞最初出經胎化藏為第一中
陰藏第二摩訶衍方等藏第三戒律藏第四
十住菩薩藏第五雜藏第六金剛藏第七佛
藏第八是為釋迦文佛經法具足矣二月八
日成佛二月八日轉法輪二月八日降魔二
月八日般涅槃

菩薩處胎經卷第五

弦絃

音賢上弓

机

居左反坐也

藕

吾口反蓮根也

難

孔

作上正絲祝術

亦作之况右反

岳峙

直里反作時非

堅鞞

下正作鞭

漬

浸在智反

恣盡

字上濕

達鳧

覓

反下侯

用正利掘

其物

木杵

字下孟

裊

俗作裙

齒

咬吾結反

烏

溺

音上象字下

鑄

七羊反作

疼痛

冬上走反

夾

甲音

山側

舐

舌時只取

反也

號泣

上音毫

摩

捫

下音門安

錯

攻反

安

置也

耶

維

此云燒

瓦

類也

解

胡谷反

捷

推

上音軋

耶

維

此云燒

瓦

推之二字相似傳寫誤也

雅正

利反

雅

咄

丁骨反

也

鐘

以此代

